

Broj:06-03-261-08/2/10
Mostar, 14.05.2010. godine

Na osnovu člana 79. stav (2) Zakona o električnoj energiji („Službene novine Federacije BiH“ broj 41/02, 24/05, 38/05, 61/09), člana 12. stav (1) i člana 14. stav (1) Statuta Regulatorne komisije za električnu energiju u Federaciji Bosne i Hercegovine („Službene novine Federacije BiH“ broj 13/04), člana 31. stav (2) i člana 37. stav (3) Poslovnika o radu Regulatorne komisije za električnu energiju u Federaciji Bosne i Hercegovine („Službene novine Federacije BiH“ broj 59/04) i člana 16. stav (1) Pravilnika za izdavanje dozvola - licenci („Službene novine Federacije BiH“ broj 29/05), Regulatorna komisija za električnu energiju u Federaciji Bosne i Hercegovine – FERK je, na VII redovnoj sjednici održanoj u Mostaru dana 14.05.2010. godine, donijela

O D L U K U

Član 1.

- (1) Usvaja se nacrt Dozvole za rad – licence za obavljanje elektroprivredne djelatnosti snabdijevanja električnom energijom drugog reda po Zahtjevu za obnovu dozvole za rad – licence za djelatnost snabdijevanja električnom energijom drugog reda broj 06-03-261/2/10 od 26.2.2010. godine, podnosioca zahtjeva „Interenergo“ d.o.o. Sarajevo, u tekstu kako je predložen na dnevni red za redovnu sjednicu.
- (2) Nacrt iz stava (1) ovog člana je sastavni dio ove odluke.

Član 2.

Ova odluka stupa na snagu danom donošenja i objavljuje se na oglasnoj tabli i web stranici FERK-a.

O b r a z l o ž e n j e

Članom 5. Pravilnika za izdavanje dozvola – licenci određeno je da lice koje namjerava obavljati djelatnost snabdijevanja električnom energijom drugog reda ima obavezu i odgovornost podnijeti FERK-u zahtjev za izdavanje dozvole. Dana 26.02.2010. godine, FERK je primio od „Interenergo“ d.o.o. Sarajevo Zahtjev za obnovu dozvole za rad – licence za djelatnost snabdijevanja električnom energijom drugog reda broj 06-03-261/2/10

Prilikom pregleda kompletnosti podnesenog Zahtjeva, u skladu sa članom 39. Pravilnika o javnim raspravama i rješavanju zahtjeva i žalbi FERK-a, FERK je utvrdio da podneseni Zahtjev nije kompletan u smislu člana 29. Pravilnika za izdavanje dozvola - licenci. Zbog navedenog, FERK je postupajući u skladu sa članom 40. Pravilnika o javnim raspravama i rješavanju zahtjeva i žalbi FERK-a dostavio podnosioc zahtjeva Obavještenje o nedostacima podnesenog Zahtjeva za izdavanje dozvole za rad – licence za djelatnost snabdijevanja električnom energijom drugog reda broj 06-03-261-03/2/10 od 16.03.2010.

godine, te mu odredio rok od osam dana od dana prijema Obavještenja radi otklanjanja u Obavještenju naznačenih nedostataka i upozorio ga na posljedicu popuštanja.

Postupajući po Obavještenju, podnosilac zahtjeva je u FERK dana 23.03.2010. godine dostavio Obavijest sa obrazloženjem vezano za traženu dokumentaciju koja je u FERK primljena pod brojem 06-03-261-04/2/10, a dana 26.03.2010. godine, je dostavio traženu dokumentaciju koja je u FERK primljena pod brojem 06-03-261-05/2/10, na osnovu koje je FERK utvrdio da je podneseni zahtjev kompletan.

Postupajući u skladu sa članom 11. Pravilnika za izdavanje dozvola-licenci, FERK je dana 19.04.2010. godine u „Dnevnom listu“ i „Dnevnom avazu“, te na svojoj web stranici, objavio Obavještenje za javnost o podnesenom Zahtjevu za obnovu dozvole za rad – licence za djelatnost snabdijevanja električnom energijom drugog reda podnosioca zahtjeva „Interenergo“ d.o.o. Sarajevo. Povodom Obavještenja za javnost, FERK do naznačenog roka u Obavještenju odnosno do 30.04.2010. godine, nije zaprimio pisane komentare zainteresovanih lica na podneseni zahtjev kao ni zahtjev za sticanje statusa umješaća.

Na osnovu prednjeg, a u skladu sa članom 77. Pravilnika o javnim raspravama i rješavanju zahtjeva i žalbi FERK-a, FERK je dopisom broj 06-03-261-07/2/10 od 06.05.2010. godine obavijestio podnosioca zahtjeva da će FERK provesti postupak izdavanja dozvole, bez održavanja formalne rasprave, te istom dao mogućnost da ukoliko raspolaže novim činjenicama u vezi sa predmetom postupka, iste predstavi, odnosno uputi svoje komentare FERK-u do 10.05.2010. godine.

Podnosilac zahtjeva nije iznio nove činjenice u vezi sa predmetom postupka, te nije uputio komentare FERK-u.

Na osnovu pažljive analize svih činjenica i podnesenih dokaza, a u skladu sa članom 79. stav (2) Zakona o električnoj energiji FERK je odlučio kao u dispozitivu odluke.

PREDSJEDNIK FERK-a:
Zdenko Šimunović s.r.